

125 Jahre Kirchenchor Sirnach

Sit 125 Johr , gits de Sirnacher Chillechor.
Derzue tüen mer herzlich gratuliere
und dr Alass hüt au würdig fiire.
Eusi Gäscht sind Deligierti vom Kantone,
aber au interessiert Sängerpersone.

125 Johr het me zum Lobe Gottes gsunge
und mit vil Isatz isch es bis hüt gelunge,
mit meh oder weniger Elan,
d'Stimm lo singe, so guet sis chan.

En ganze Hufe Lüt . händ sich i dene Johr bemüht,
de Chor z'gründe und z'erhalte,
was geschätzt isch wurde vo Junge und Alte.

Im Gottesdienst het er ghulfe neus Liedguet z'verbreite.
En grosse Wandel isch do passiert dur all die Zeite.
Konzert het me gä, d'Lüt sind cho.
Um die kulturell Beriicherig isch me gsi froh.

Me het vor 125 Johr chei digitale Beriselig kennt;
au het me am Sunntigmorge nid eifach pennt.
Nei, die einte händ gsunge, die andere händ glost
und niemer het i d'Röhre glotzt.

Im Chilechor händ jungi Fraue Freiheit gfunde,
wo traditionel sind gsi a Hus und Herd gebunde.
Me het's gmüetlich gha, zäme glacht , und au mol es Reisli gmacht.

Ganz wichtig isch gsi die musikalisch Leitig.
Die z'finde het Arbet gä gwaltig.
Ii 10 Johr händ emol 5 Dirigente de Taktstock gschwunge!
Bi andere het dr Chor 20 ! ,30!! Johr gsunge!!

Mit de Präsidentin isch's ähnlich gsi:
Eine het me gwählt, gfrogt het me nen nie.
Dä het denn 20 Johr präsiert de Chor.
Sini Nochfolgeri hets brocht uf 30 Jor!!

D' Uflösig isch zu dere Zyt im Ruum gschtande.
Ein Bass het me gha, was wemer afange?
Wiiter singe, eimol singe isch zweimol bäte;
die christliche Botschaft im Lied tüen mer rette.

s'Resultat: Projektsänger händ ghulfe singe,
Vivaldis Gloria und Rossinis petitte messe het chönne erklinge.
Lieder us em neue Gsangbuech het dr Chor igschtudiert
und denn die ganzi Gmeind durs neui Lied gfuehrt.

li 125 Jahr het jede Chilechor neui Wäge gsuecht
und es mit neuem Liedguet versuecht.
d'Kläng sind nüme gsi vertraut,
nid alli Sänger hend das astandslos verdaut.

I de Probe het me , nid Allne zur Freud
d'Stimme aktiviert mit Beweglichkeit.
s'Ganzkörpertraining ghört derzue:
d'Arme ufe ,abe, vom Bode d'Schue!

Es Lumpelied, en Kanon, en Sprechgesang,
bi all dem gohts um en guete Klang.
So weiss me hüt au ganz genau:
Singe isch für Ma und Frau
nid nur musikalisch en Genuss,
s'Hirni au, het weniger Verdruss.

Bedenkt me all das samt em geistige Wert,
so wär's au hüte nid verkehrt,
bi eus i Sirnach mitz'singe
und d' Stimm zum Lobe Gottes lo z'erklinge.

Z'letscht enDank, en riesegrosse,
a alli Sänger und Genosse,
em rüehrige Präsident vo 2020zig.
drDirigentin : professionell und tanzig.

Mir Alli tüend gemeinsam gratuliere
und stimme ii voll Lob und Dank
uf 125 Jahr Sirnacher Chillechor- Klang.

F.Thalman,14.3.2020

